
II “БУЮК ИПАК ЙЎЛИ” ХАЛҚАРО ФОЛЬКЛОР МУСИҚА ФЕСТИВАЛИ ҒОЛИБЛАРИ АНИҚЛАНДИ

Бугун Марғилон шаҳридаги “Ижодкорлар боғи”да II “Буюк ипак йўли” халқаро фольклор мусиқа фестивали якунига бағишланган тантанали тадбир ташкил этилди. Унда вилоят ҳокимининг ўринбосари Хуршиджон Аҳмедов, Марғилон шаҳар ҳокими Адҳам Зиявитдинов, вилоят Маданият ва туризм бошқармаси бошлиғи Жаҳонгир Тожибоев иштирок этдилар.

3 кун давом этган фестиваль якунига кўра, Фольклор чолғу ижрочилиги номинацияси бўйича 1-ўрин Қозоғистон Республикасининг “Саялы Сарыағаш” этно-фольклор ансамбли жамоасига насиб этди. Тошкент шаҳар “Нодирабегим” фольклор-этнографик жамоаси 2-ўринни, Қирғизистон Республикаси Қадамжой тумани маданият уйи фольклор ансамбли 3-ўринни қўлга киритди.

Фольклор қўшиқ ижрочилиги номинацияси бўйича вилоятимиз вакиллари ғолиб бўлдилар: Марғилон шаҳар “Чодир-жамол” фольклор-этнографик халқ жамоаси 1-ўрин билан тақдирланди. Жиззах вилояти Зарбдор тумани “Ойпари” фольклор-этнографик халқ жамоаси 2-ўринга муносиб кўрилган бўлса, Тожикистон Республикаси “Бибихо” фольклор-этнографик ансамбли 3-ўринни қўлга киритди.

Фольклор рақс ижрочилиги номинацияси бўйича Хоразм вилояти Қўшқўпир тумани “Жўралар” фольклор-этнографик халқ жамоаси эса 1-ўринни қўлга киритди. Бухоро тумани “Мавжи Бухоро” фольклор-этнографик халқ жамоаси 2-ўринни, Қорақалпоғистон Республикаси Қўнғирот тумани “Апсана” фольклор-этнографик жамоаси 3-ўринни эгаллади.

Ғолибларга пул мукофотлари, фестиваль статуэткалари ҳамда дипломлар топширилди.

Эл севган хонандалар, таниқли ашула ва рақс ансамбллари томонидан тайёрланган концерт дастури йиғилганларга кўтаринкилик улашди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-05-31 23:09:21